

掌中論

陳那菩薩造

唐三藏法師義淨奉制譯

論曰謂於三界但有假名實無外境由妄執故今欲爲彼未證真者決擇諸法自性之門令無倒解故造斯論頌曰

於繩作蛇解見繩知境無若了彼分時知如蛇解謬

論曰如於非遠不分明處唯見繩蛇相似之事未能了彼差別自性被惑亂故定執爲蛇後時了彼差別法已知由妄執詐亂生故但是錯解無有實事復於繩處支分差別善觀察時繩之自體亦不可得如是知已所有繩解猶如蛇覺唯有妄識如於繩處有惑亂識亦於彼分毫釐等處知相假藉無實可得是

故緣繩及分等心所有相狀但唯妄識頌曰  
諸有假設事詳觀自性時從他皆假名乃至世俗境

論曰如於繩等支分之處別別分析審觀察時知無實體唯是妄心如是應知一切諸法但是假名如瓶連四衣等物藉泥縷等成乃至言說識所行境未至破壞名爲瓶等言從他者謂從世俗言說而有非於勝義頌曰

無分非見故至極同非有但由惑亂心智者不應執

論曰若復執云諸有假事至極微位不可分析復無方分是實有者此即猶如空華及兔角等不可見故無力能生緣彼識故所執極彼定非實有所以須說不可見因由彼不能安立極微成實有故所以者何由有方分事

差別故猶如現見有瓶衣等物東西南北等方分別故斯皆現有支分可得若言極微是現有者必有方分別異性故是則應許東西北等支分別故此實極微理不成就亦非一體多分成故見事別故一實極微定不可得

如是應捨極微之論是故智者了知三界咸

是妄情欲求妙理不應執實頌曰

妄有非實故 與所見不同 由境相虛妄能緣亦非有

論曰若言我亦於彼瓶衣等事許彼自性是

不可得皆是妄識之所分別然而緣彼相狀

亂識是其實有觀捷達婆城及幻人等其識

是有設有此識亦非實故與所見事不相應

故此惑亂識於所緣境作有性解彼事自性

已明非有境既是無能緣妄識亦非實有云

何令彼妄識有耶然於世間不曾見有無能生種子有所生芽等由斯汝說幻城等喻道理不成頌曰

斯皆是假設 善覺者能知

智人斷煩惱易若除蛇怖

迷

十四

論曰如說三界但有假名瓶等魔麁覺既除遣

已知從名言而有其事善觀察者能了知已

即於繩處蛇怖除遣復審思惟了彼差別於

繩等處妄執亦無如是觀時一切能生雜染之法易速蠲除煩惱羅網及諸業果自當斷

滅有別頌曰

智人觀俗事 當隨俗所行 欲求煩惱斷要明真勝義

猶如世人於諸俗事瓶衣等處以爲實有名瓶衣等智者亦爾當順世間而興言說知非

實有若樂觀察煩惱過失求解脫者宜於如  
是真勝義中周遍推尋如理作意於諸境處  
及能緣妄識煩惱繫縛不復生長

掌中論

音釋

叢以苟切深妙切以  
明通達也。鞘私妙切許枝切以  
渠焉刀室也。鼻氣也。擎許枝切以  
渠焉。擎氣也。擎昌